

元詩選

癸集下

〔清〕

顧嗣立

席世臣

編

元符選

卷一

元符選

〔清〕顧嗣立
席世臣 編
吳申揚點校

元詩選

癸集下

中華書局

元詩選癸集目錄 癸之庚上

李忠文公黼一首	九二	楊參謀椿三首	九三五
樊參政執敬一首	九三	堵檢校簡一首	九三五
董忠定公搏霄二首〔一〕	九三三	李從守介石一首	九三六
陳參政祖仁三首	九四〇	董旭二首	九三八
石抹參政宜孫一首	九六	邊管勾魯一首	九三八
孫平章德謙四首	九六	林侍郎諫一首	九三八
陳平章有定二首	九七	王左丞演一首	九三九
韓侍御準一首	九八	鄭左丞旼一首	九四〇
賀侍御方一首	九九	陳學士桎一首	九四一
呂總管震一首	九三〇	御史大夫納璘一首〔二〕	九四二
李總管鉉一首	九三一	蘇御史天民八首	九四三
蔡推官廷秀五首	九三一	程員外文二首	九四四
余推官述祖一首	九三三	張臺郎質夫一首	九四五
吳縣尹文讓一首	九四四	郁司農遵一首	九四六

謝助教子厚一首	九四七	諸學諭綱一首	九六七
陳元帥乾富二首	九四八	徐學正昭文二首	九六七
楊將軍文選一首	九四八	程教官邦民二首	九六八
王宣慰嘉問一首	九四九	陳教授聚五首	九六九
呂廉訪謙一首	九五〇	姚教授桐壽一首	九七〇
兀顏副使師中二首〔三〕	九五二	馬教授桂遜一首	九七一
楊總管瑀九首	九五三	趙巡徵糴四首	九七三
繆總管思恭一首	九五五	樂架閣善一首	九七四
公孫總管輔三首	九五六	王主簿造二首	九七五
葉提舉廣居五首	九五七	王處士諶六首	九七六
俞推官庸三首	九五九	顧判官安一首	九七七
俞判官俊六首	九六〇	袁府掾介一首	九七八
顧同知遯二首	九六三	潘臺掾澤民一首	九七九
劉英德中孚三首	九六三	許管勾德潤一首	九八〇
李縣尹祖仁一首	九六三	王都事霖三首	九八〇
王學正綸四首	九六四	龍都事從雲七首	九八一
高學正志道四首	九六六	謝都事理三首	九八三

張經歷溥二首	九八四	高升二首	九八七
陳參軍駢三首	九八四	葉顥一首	九八八
時□□太初三首	九八五	南陽野逸邵復一首	九八八
完萬戶澤二首	九八六	王仲禮一首	一〇〇〇
吳參謀徹一首	九八七	孔思吉一首	一〇〇〇
周教授所立一首	九八七	郝天鳳一首	一〇〇一
馬參政玉麟三首	九八八	楊賢德一首	一〇〇一
張府判經三首	九八九	何九思一首	一〇〇一
張判簿緯五首〔四〕	九九〇	易履一首	一〇〇一
張元度四首	九九三	馬晉一首	一〇〇二
張都事天永三首〔五〕	九九三	馬庸五首	一〇〇三
鍾弼一首	九九四	杭琪一首	一〇〇四
李鐸二首〔六〕	九九四	馮椿一首	一〇〇五
閻相如一首	九九五	嚴貞一首	一〇〇五
趙良翰一首	九九五	耿輦二首	一〇〇六
趙孟又一首	九九六	邵布衣光祖四首	一〇〇六
王處士鵬五首	九九六	馬肅二首	一〇〇八

滕遠一首		一〇九	金覺二首		一〇六
張常明二首		一〇九	孟頫一首		一〇六
錢昱一首		一〇〇	尤存二首		一〇七
朱貞一首		一〇〇	諸葛崙一首		一〇八
蔣廷秀一首		一〇一	范基二首		一〇八
劉杞四首		一〇一	徐珪二首		一〇九
周彝五首		一〇二	高元復一首		一〇九
董昶一首		一〇四	李伯彰一首		一〇〇
譚或一首		一〇四	陸敘一首		一〇〇
黃夔三首		一〇五	吳淳一首		一〇二
祖傳中一首		一〇五	沈敬明一首		一〇二

〔一〕「搏」，原作「搏」，據正文改。

〔二〕「大夫」二字原無，據正文補。

〔三〕「師中」原作「司中」，據正文改。

〔四〕「判簿」原無，「五」原作「四」，皆據正文補改。

〔五〕「都事」原無，據正文補。

〔六〕「二」原作「一」，據正文補。

元詩選癸集

癸之庚上

李忠文公黼

黼字子威，汝寧人。工部尚書守中之子，初補國學生。泰定四年，遂以明經魁多士，授翰林修撰。改河南行省檢校官，遷禮部主事，拜監察御史，轉江西行省郎中。入爲國子監丞，遷宣文閣監書博士，兼經筵官。俄中書命巡視河渠，陞祕書太監，拜禮部侍郎。已而廷議內外官通調，授江州路總管。至正十一年夏五月，盜起河南，造船北岸，銳意南攻。九江居下流，實江東西襟喉之地，黼治城壕，修器械，募丁壯，分守要害，且上攻守之策于江西行省，不報，黼歎曰：「吾不知死所矣。」乃獨椎牛饗士，激忠義以作士氣，數日之間，紀綱粗立。十二年正月，賊渡江，陷武昌，江西大震。黼與黃梅縣主簿也孫帖木兒向天瀝酒爲誓，黼身先士卒，大呼陷城。也孫帖木兒繼進，賊大敗，殺獲二萬餘。黼又以長木數千，冒鐵椎于杪，暗植沿岸水中，逆刺賊舟帥，將士奮擊，發火翎箭射之，焚溺死者無算。行省上黼功，請拜江西行省參政，行江州南康等路軍民都總管，便宜行事。已而賊勢更熾，黼守孤城，無日不戰，中外援絕。二月甲申，賊將入城，黼與之巷戰，知力不敵，揮劍叱賊曰：「殺我，毋殺百姓。」賊自巷背來，刺黼墮馬，黼罵賊而死。郡民聞黼死，哭聲震天，相率具棺，葬于東門外。黼死踰月，參政之命始下。年五

十五，事聞，贈資德大夫，淮南江北等處行中書省左丞，上護軍。追封隴西郡公，諡忠文。詔立廟江州，賜額曰崇烈。

挽宋顯夫

松廳交契半成塵，又見鑾坡失此君。只意遠恢先世業，豈期中斷立朝勳。僅餘名位傳遺息，無補饑寒有古文。泉路難兄詩侶在，滿山明月兩孤墳。

樊參政執敬

執敬字時中，濟寧鄆城人。性警敏好學，由國子生擢授經郎，歷官至侍御史。至正七年，擢山南道廉訪使，俄移湖北道。十年授江浙行省參知政事。十二年，徽饒賊犯餘杭，執敬上馬，中途與賊遇，射死賊四人，又逐之，射死三人。賊來愈盛，填咽街巷，且縱火，官兵皆潰。賊呼執敬使降，執敬怒叱之曰：「守關吏不謹，汝得至此，恨不碎汝萬段，何謂降耶！」奮刀斫賊，中槍而死。事聞，贈翰林學士承旨榮祿大夫柱國，追封魯國公。

錢塘觀潮

烟波閃閃海門開，平地潛生萬壑雷。大信不虧天不老，浙江亭上看潮來。

董忠定公搏霄

搏霄字孟起，磁州人。由國子生辟陝西行臺掾，授四川肅政廉訪司知事，除涇陽縣尹。入爲戶部主事，陞員外郎。拜監察御史。出僉遼東廉訪司事，歷江西行省左右司郎中，遷浙東宣慰副使。至正十一年，除濟寧路總管。十四年，除水軍都萬戶，俄陞樞密院判官，陞同僉淮南行樞密院事。十七年，毛貴陷益都般陽等路，命搏霄討之。而濟南又告急，乃提兵援濟南，賊敗走，詔就陞淮南行樞密院副使，兼山東宣慰使都元帥。有疾其功者，譖于總兵太尉紐的該，令依前詔征益都。搏霄即出海南城，屬老且病，請以弟昂霄代領其衆，授淮南行樞密院判官，未幾，命搏霄守河間之長蘆。十八年以兵北行，濟南復陷。詔拜河南行省右丞。甫拜命，毛貴兵已至，因拔劍督兵以戰。而賊衆突至，衆刺殺之，無血，惟見其有白氣衝天。是日，昂霄亦死之。事聞，贈宣忠守正保節功臣、榮祿大夫、河南行省平章政事、柱國，追封魏國公，諡忠定。昂霄追封隴西郡公，諡忠毅。

遊元雷山

水色山光照眼明，隔溪遙見白雲生。崖根凍雪留人跡，林外春風變鳥聲。夢草得詩青入骨，煮茶聽話淡忘情。飛來橋上歸時晚，回首翠微松鶴鳴。

鳳山

一聲鼓角鳳山秋，山下黃雲稻欲收。江漢未清勞國賦，敢辭衰病擁貔貅。

陳參政祖仁

祖仁字子山，汴人。父安國，仕爲晉陵尹。祖仁，性嗜學，早從師南方，有文名。至正元年科舉復行，以《春秋》中河南鄉貢，明年會試在前列，及對策大廷，遂魁多士，賜進士及第，授翰林修撰、同知制誥，兼國史院編修官。累遷翰林待制，出僉山東肅政廉訪司事，擢監察御史。復出爲山北廉訪副使，召拜翰林直學士，陞侍講學士，除參議中書省事。二十三年，拜治書侍御史，出爲甘肅行省參知政事。明年除山北道廉訪使，召拜國子祭酒，遷樞密副使，辭職。除翰林學士，遂拜中書參知政事，尋遷太常禮儀院使。二十八年，明兵進壓近郊，命祖仁載太廟神主從皇太子北行，祖仁諫止，還守太廟以俟命。俄而順帝北奔，祖仁守神主，不果從。八月二日，京城破，將出健德門，爲亂軍所害，年五十五。子山一目眇，貌寢，身短瘠而語音清亮，議論偉然，負氣剛正。其學博而精（一），自天文、地理、律曆、兵乘、術數百家之說，皆通其要。爲文簡質而詩清麗，世多稱傳之。

毛尊師石田山房

四明有神人，遺世宅崇峯。飛游凌倒景，餘垢亦奇蹤。流風被三華，有士振其宗。誅茅宇峯下，迴若御鴻濛。琅玕四時秀，靈泉左右通。晨游揖王父，夕駕命青童。惟茲二頃田，苦辛資歲功。南東不盡畝，拳確溢其中。由來仙聖居，服食世非同。白英堅過玉，烹飪奉朝饗。非闕耕與鉏，簞瓢靡不充。大盜睨而去，天災無匱空。虞芮昔已爭，乾餼咎在躬。寧知不食地，東華早發矇。東華真人有食石法。超遙樂玄虛，宛若因瞳矇。綠髮方瞳子，長身比赤松。

題鄱陽程景伊有筠樓

飛宇出霄漢，修筠與之齊。蒼然環曲闌，宛若在林棲。其上富文史，高明還日躋。方期下采鳳，自可降青藜。

游張公洞

荆南山水稱奇絕，古洞深沉白晝昏。但覺鴻濛迷上下，焉知羲畫判乾坤。神功不費雕鐫力，天巧曾無斧鑿痕。此地信然塵世隔，昔人何用覓桃源。

〔一〕其學博而精，原作「其博學而精」，據稿本改。

石抹參政宜孫

宜孫字申之，其先遼之迪烈紮人。襲父職爲沿海上副萬戶，守處州，及弟長，即讓其職還之，退居台州。至正十一年，方國珍起海上，江浙行省檄宜孫守溫州，以功陞浙東宣慰副使，分府于台州。十七年，陞行樞密院判官，總制處州分院，治于處，尋陞同僉行樞密院事。十八年，經略使李國鳳至浙東，承制拜江浙行省參知政事。明年，明兵入處州，宜孫將數十騎走福建境上。見事不可爲，還至處之慶元，爲亂兵所害。事聞，贈推誠宣力効節功臣，集賢大學士，榮祿大夫，上柱國，追封越國公，諡忠愍。申之性警敏，嗜學問，於書務博覽，而長於詩歌。在處州時，用劉基、胡深、葉琛、章溢諸人居幕府。自引諸名士投壺賦詩，嘗構掀篷于妙成觀，何宗姚首倡，一時和者數十人。著有《少微倡和集》。

妙成觀掀篷和何宗姚韻

結構新亭似勝前，登臨歷歷瞰晴川。放懷喜解防秋戍，乘興還操下瀨船。從此入林堪避地，何妨坐井亦觀天。東風回首春城暮，桃李依然種日邊。

孫平章德謙

德謙字□□，睢州人。仕至中書省左丞，歷大同行省平章事。明兵既克大都，順帝北奔，大將軍徐達遣兵圍大同，德謙嬰城固守，力不能支，乃手書自決等詩數章，詞意激烈，誓不偷生。城陷，竟不

屈死。

死節自決

有計難爲用，心馳東北天。偷生雖度日，何面見時賢。忠孝人之本，臨危愈要堅。偷生恐辱國，魂氣迸山川。

付諸子

我今忠爲國，汝等孝持身。忠孝各盡道，庶幾報君親。

七月初一日作二首

固守孤城衆議深，豈知共事負初心。如今有計難爲用，淚血枯乾痛不禁。
城陷身羈事已違，孤忠耿耿欲何依。誰知一片丹心苦，日逐白雲東北飛〔一〕。

〔一〕「日逐」，稿本作「逐日」。

陳平章有定

有定一名友定，字安國，汀之歸化人。幼病頭瘡，家貧無依，傭於富室羅姓，羅奇之，妻以女。初爲明溪寨兵卒，至正間，盜起海上，寧化曹柳順據曹坊寨，有定見汀判蔡公安緩頰。談軍事，

蔡遂授以兵，直抵柳順營馳擊，大破之，擒順以歸。授明溪寨巡檢，尋陞清流尉，歷延平路總管，遷行省參政，開省汀州，爲左丞福建行省平章政事，遂據閩中。陳友諒、方國珍犯境，有定率精銳拒敵，屢立戰功。時大都道絕，有定率遣貢舶，由海道取登萊以達，順帝嘉之。戊申，明征南將軍湯和兵逼延平，有定死守，城破，坐省堂，按劍仰藥。飲盡，值大雷雨，復甦，執送京師，瞑目就銅馬而死。

送趙將軍

縱橫薄海內，不愴別離顏。幾載飄零意，秋風一劍寒。

被收後作詩

失勢非人事，重圍戟似林。乾坤今已老，不死舊臣心。

韓侍御準

準字公衡，沛縣人。登進士，歷江西湖南道廉訪副使，江西行省參知政事，行臺治書侍御史，江浙行省左丞，改福建廉訪使，復爲侍御史，請老未報。明兵下閩，城陷，準藉藁堂下，以喪禮自處。吏來追其宣勅，準取而枕之，厲刃向吏曰：此吾所受於君者，必欲取之，并取吾首去，吏不敢迫。及病，遂不服藥而卒。準爲文章，簡古不尚華藻，所著有《小學闕疑》及《水利通編》。